

登科記考

登科記考

禮部鑄印局員外郎大興徐松撰

敘曰州歲貢士制昉禎明蓋魏晉以還相矜族望江左猶不失門
材北朝則祇重門蔭世胄在高位上品無寒門窮則變變則通其
不得不出於科目者亦時勢然也夫國有與立惟在得賢人匪生
知誰能廢學造士進士賢以論辨而升小成大成學由考校乃見
則江都三策建初四科雖南院之濫觴實西周之舊軌矣李唐承
隋法制大備冬集之例旁課律書春闈以來兼試宏拔其設條流
也不務苛細其展公道也在振孤寒卷軸可溫行止無駁扣簾得

請通榜非私莫不櫻笋含芳芙蓉表豔重龍門之聲價寫雁塔之姓名又若待非常之才列制舉之日期之以伊呂責之以霸王或才綜八能或名成一藝束帛之賚相望邱園弓旌之招無間屠鈞山陬海澨命使遐蒐諸子百家獻書授職何其牢籠羣有囊括九流如此哉是以俊入四門經聯千佛銀袍鵠化毛筆鸞飄武翊黃之三頭張文成之萬選常雜鮑帖羅甲袁朋波屬雲興粲乎貢部極之汪遵以吏擢蘇涣以盜取高智周以沙門升吉中孚以道士進而賓貢得人新羅有金可記高麗有崔致遠大食有李彥昇無流品之別無華夷之限衡校古今得士之盛於斯爲最英雄入彀

殆非虛語年祀邈遠舊錄散亡史志會要文或踳駁不揣撝昧綴而緝之有志復古者尙其鑒諸道光十八年孟夏之月徐松述

登科記敘

選士命官有國之大典察言考行先王之舊規古者命於鄉而升於學俾大樂正論造士之秀者而升諸司馬曰進士進士者謂可進而授之爵祿也然則前一作歷代選士其科不一洎聖唐高祖以

神武靜天下用文教貞萬姓武德五年詔有司特以進士爲選士之目仍古道也自鄉升縣縣升州州升府皆歷試行藝秋會貢於文昌咸達一作造帝廷以光王國然後會羣后謁先師備牲牢奏金石尊儒教也若明試其業主張其文覈能否於聽覽之間定取舍於筆削之下職在考功郎後至元宗開元二十五年重難其事更

命春官小宗伯主之而業文志學之士知勸矣於是獻藝輸能擅場中的者榜第揭出萬人觀之未浹旬而名達四方矣近者佐使外藩司言中禁彈一作戒冠憲府起草粉闈由此與能十恆七八至

於能登台階參密命者亦繁有徒所謂選才授爵之高科求士濫觴之捷徑也不其然歟粵自武德至乎貞元閻崔氏本記前後嗣續者在我公爲多焉顧惟寡昧獲與斯文因濡翰而爲之序貞元十七年三月丁亥校書郎趙慘述文苑英華載此序題作李奕登科記下言李奕誤也今不取玉海又引姚康科第錄有長慶二年五月十二日敍曰自武德已來登科名氏編記凡十餘家皆不備具康錄武德至長慶二年列爲十三卷漢元帝詔云歲以此科第郎從官遂題爲科第錄

登科記考

凡例

一唐人撰登科記不下十餘家見於新書藝文志者惟三家而已曰崔氏顯慶登科記五卷姚康科第錄十六卷李奕唐登科記二卷崔氏書自武德建貞元玉海引中興書目云崔氏登科記一卷是其時已有殘闕後有續之者迄周顯德見書錄解題姚康字汝諧南仲孫也其書自武德至長慶二年十一卷續之者自長慶三年畢天祐丙寅爲五卷洪忠宣僅得其書五卷可見昌黎年譜尙引之書錄解題云洪忠宣僅得其書五卷可見

亦非全帙李奕官兵部郎中金吾將軍其書宋時已不存最
後有大中十年鄭顥所進諸家科目記十三卷自武德至大
中敕付翰林每歲編次見於唐會要而藝文志不載蓋亦久
佚也至趙宋時樂史有修定登科錄四十卷作崇文總目時
已亡樂史又有雍熙三年正月所上登科記三十三卷郡齋
讀書志作三十卷起唐武德訖天祐末紹興三十年十月洪
适又重編唐登科記爲十五卷書錄解題云洪忠宣得姚康
書五卷於北方丞相适又得別本起武德終大和於毗陵錢
仲氏乃合崔氏之書凡三本緝爲一書天寶前姚書爲正天

寶後則三本合爲一晁氏書有樂無洪陳氏書有洪無樂通考始兼收之自茲以後惟見於世善堂書目及玉芝堂談薈今所編輯百不存一海內藏書家儻有流傳秘笈矜而教之使唐賢姓名重光天壤亦藝林之幸也

一宋人著述每引登科記而不言某氏本其總目載馬端臨通考進士之外統曰諸科按讀書志云樂史登科記記進士及諸科登名者是通考用樂史本也今據以爲目編於各年之下諸書所引亦以附焉

一圖經家乘例載科目而近世府廳州縣志襲謬承訛動遭指

摘如獨孤及於天寶十三載洞曉元經科擢第而河南府志誤作天寶十五年第且不言是制科韓昶於長慶四年登第在韓湘後一年而山陽續志誤作湘與昶同是長慶三年登第畢誠大和六年登第楊乘大中元年登第而蘇州府志誤以畢誠在大和二年楊乘在大中六年至譜牒之詳宜推聖胄然闕里文獻考所載元和五年狀元孔敏行咸通四年狀元孔振中和三年狀元孔振考之傳記往往抵牾又如宿遷胡氏譜云胡璡唐天祐進士萬載辛氏譜云辛開仕梁開平二年進士亦不知所據顏師古漢書注云私譜之文出於閭

巷家自爲說事非經典苟引先賢妄相假託今同斯例概就刊落惟見於永樂大典所引者皆宋元舊笈事有可徵盡行采錄

一唐之秀才科罷於永徽孝廉科停於建中中葉以還則以秀才爲進士之稱孝廉爲明經之號凡斯之類不可以文害意至其應舉之法通典史志皆言之未詳大抵第明經者仍得舉進士牛蔚王凝是也第進士者亦得舉明經蔡京許孟容是也惟進士得第則止明經有再試之法昌黎贈張童子序云童子一舉而進立於二百人之列又二年益通二經繇是

拜衛兵曹之命是也若宏詞拔萃兩科登宏詞者得試拔萃得拔萃者得試宏詞且得再舉張巡以書判拔萃入等蕭昕兩舉宏詞是也制科尤有一人連中數科者員半千陸元方崔融陽嶠連中八科張鷟連中七科裴守真連中六科李懷遠孫逖連中四科一代之制不可不知

一唐主司自改制後以禮部侍郎任者曰知貢舉他官任者曰權知貢舉皆於上年之秋冬簡任次年正月入闈第傳記所載或稱簡任之年或稱主試之年故每致參差今以主試之年爲定凡有事實類敘知舉之下其應舉者鄉貢進士例於

十月二十五日集戶部生徒亦以十月送尚書省

據溫庭筠
榜為十月

六正月乃就禮部試試三場先雜文次帖經次答策每一場

已卽榜去留通於一月放榜四月送吏部然閩濟美之試東

都則在十一月十二月邱爲有省試夏日可畏詩敬括有省

試七月流火詩或東都試與西都異抑有事改期也明經亦

試三場先帖文次口試次答策三道其試期史無明文河東

記載韋丹舉五經元長史言於明年五月及第疑試明經在

進士放榜後

一玉海引中興書目云崔氏登科記一卷載進士諸科姓名是

諸科之名始於崔氏樂史沿而不改所謂諸科者謂明法明
字明算史科道舉開元禮童子也明經不在此數何以明之
明經每歲及第將二百人其數倍蓰於進士而登科記總目
所載諸科人數皆少於進士王海云登科記顧載進士續之
者自元和方列制科言進士制科對明經爲義也韓文五百
家注每詳科目惟牛堪明經及第注文一無徵引知明經爲
記所無矣今之編輯則貴詳贍故於其年明經可考者特書
以補之凡五經二經三經學究一經三禮三傳入明經科明
法以下可考者入諸科

一舉進士而未第者曰進士曰舉進士得第者曰進士第曰前進士新舊唐書於初唐人傳多但言舉進士而不言第卽中葉詳載某年登第亦有未可盡據者如程旨範於元和時登第舊書李紳傳言長慶時事仍曰進士程旨範李景素登第舊書李蔚傳但言景素大和中進士崔嘏登第新書李德裕傳但言嘏舉進士至於雜家小說或言進士或言舉進士人既未詳時亦莫考紛耘參錯載筆殊難又或進士明經紀載互異如竇易直史謂舉明經因話錄作舉進士元德秀史謂舉進士獨異志作舉明經杜景儉史謂舉明經御史臺記作

舉進士今於有可考者按年編次折衷求是其確知爲得第而年不可考者萃爲一篇目爲附考系於卷末

一登科記有上書拜官上書及第考封氏聞見錄云常舉外有進獻文章並上著述之輩或付本司或付中書考試亦同制舉雲麓漫鈔亦云上書者中書試同進士及第權載之集有元和元年吏部試上書人策問三道是與制舉對策無異惟自武德至顯慶記不乏書至開元四年以後全闕今採傳記所載因上書而拜官實有年歲可考者依其年增入至又有所謂召拜官者蓋如趙贊之薦處士袁滋元宗召拜校書郎

韋夏卿薦處士賀羣德宗召拜拾遺之類不在此例

一唐季科第之弊人主至以進士市恩如劉鄴韋保父皆賜進士及第論其非由場屋自不應濫入于佛名經惟唐書韋保父傳直言進士登第與文戰者絕無區別且薛史記天成賜趙贊及第詔明言附其年春榜既附其榜去之則於人數不符況上書拜官尙入科目則同出特恩自宜一例載入

一鄉貢進士由刺史送者爲州試由京兆河南太原鳳翔成都江陵諸府送者爲府試皆差當府當州參軍或屬縣主簿與尉爲試官然喬彝之試幽蘭試官則有二人令狐之鎮三峰

秋賦加置五場白居易之在錢塘又自爲試官是其時初無
定制至應宏詞及制舉亦或由州府試歐陽詹有懷州應宏
詞試片言折獄論見文苑英華郁渾應百篇舉壽州刺史李
紳命百題試之見於新書藝文志是可類推也今錄其闕省
試者府州試故從略

一 困學紀聞云唐制舉之名多至八十有六凡七十六科玉海
亦言自志烈秋霜而下凡五十九科自顯慶三年至大和二
年及第者二百七十人今以舊唐書唐會要冊府元龜文苑
英華雲麓漫鈔諸書參考之其設科之名已無慮百數又如

曰吏職清白曰孝弟廉讓見孝子郭思訓墓誌曰穿楊附枝
見李邕臧懷亮碑曰經明行修見李邕李思訓碑曰五臣見
李邕程府君碑曰文擅詞場見張說楊志誠碑曰藏器下僚
見張說平貞脊碑曰精通經史見白居易張擇碑曰武藝超
絕見蕭穎士集曰才可百里見顏魯公集曰燮理陰陽見元
和姓纂曰韜晦奇才見唐才子傳曰懷能抱器曰牧宰見卓
異記是知科目之名遺佚者多矣至有所謂八科舉四科舉
者則是其年以八目設科以四目設科非置科之名也今以
制舉及第姓氏文章之可考者各標其科若有姓氏而科之

名不可考者則依登科記初唐之例標曰應制及第

一玉海載樂史有唐登科文選五十卷文苑英華載唐人賦策每引登科記注其異同是登科記載試文之證今據文苑英華及本集所載或因人以考其文或因文以知其人各依其年載之先進士次制科宏詞拔萃又次之進士始惟試策垂拱以前載策爲多後以雜文爲第一場故又專錄賦詩焉

一唐人試賦限韻自王邱始其試詩則注曰題中用韻限若干字成或曰以某字爲韻若干字成今於有可考者附載於詩賦題下唐人試策皆寫題於試卷今則列問於前數人同試

者不重錄

一宏詞試文三篇拔萃試判三條是吏部選人之法原無關於
禮闈惟冊府元龜唐會要宏詞拔萃皆與制科類序文苑英
華詩賦門宏詞與省試同載其典同度管判常非月名下注
引登科記月作自是登科記載宏詞拔萃之證今亦按年序
入以備一代之制

一登科記舊係按年編次故仍用編年之體載諸帝之徽號列
武后之建元用通鑑例也其朝廷大事如封禪之典播遷之
變有關貢舉者據新舊書本紀及通鑑載之

一唐會要貢舉門有論經義一類載經疏緣起以至五經文字
九經字樣皆因明經而類及之也今因貢舉謁先師故及羲
崇先聖因設明法科故及改定律令至冊府元龜貢舉門於
條制考試之外又立清正謬濫諸目既用編年悉所不取又
有事關貢舉而無年月可稽者於編年之例未符亦所不錄
一登科記之外尚有諱行錄文場盛事諸書玉海引中興書目
云諱行錄一卷以四聲編進士族系名字行第官秩及父祖
之諱主司名氏文場盛事一卷載唐人世取科第及父子兄
弟門生座主同時者今用其意於登科人族系宦秩瑣事遺

文皆載之摭言又有元和元年登科記專載等第謂之神州等第錄茲於摭言所載等第事亦按年附於進士之下

一玉海引中興書目通考引書錄解題皆有五代登科記一卷起梁開平二年至周顯德六年記姓名及試題茲亦編敘五代別爲二卷至十國之蜀漢南唐皆置貢舉契丹亦禮部試士其時如張昭遠之第於漢當同光之四年伍喬之第於南唐當乾祐之元年宋琪之第於契丹當天福之六年雖與五代同時而閨位偏安事非畫一且非原書之例故從蓋闕

一正史碑官及唐人藝文言涉貢舉皆闕考證茲於卷末另釐

爲別錄三卷仍以類相次

登科記考

目錄

第一卷

起高祖武德元年

盡太宗貞觀二十三年

第二卷

起高宗永徽元年

盡永淳二年

第三卷

起則天光宅元年

盡長壽三年

第四卷

起則天證聖元年

盡中宗景龍四年

第五卷

起睿宗景雲二年

盡元宗開元六年

第六卷

元宗開元七年

第七卷

起元宗開元八年

盡開元二十年

第八卷

起元宗開元二十一年

盡開元二十九年

第九卷

起元宗天寶元年

盡天寶十五載

第十卷

起肅宗至德二載

盡代宗大歷九年

第十一卷

起代宗大歷十年

盡德宗興元元年

第十二卷

起德宗貞元元年

盡貞元七年

第十三卷

起德宗貞元八年

盡貞元十年

第十四卷

起德宗貞元十一年

盡貞元十六年

第十五卷

起德宗貞元十七年

盡順宗永貞元年

第十六卷

憲宗元和元年

第十七卷

起憲宗元和二年

盡元和四年

第十八卷

起憲宗元和五年

盡元和十五年

第十九卷

起穆宗長慶元年

盡長慶四年

第二十卷

起敬宗寶曆元年

盡文宗大和三年

第二十一卷

起文宗大和四年

盡開成五年

第二十二卷

起武宗會昌元年

盡懿宗咸通元年

第二十三卷

起懿宗咸通二年

盡僖宗文德元年

第二十四卷

起昭宗龍紀元年

盡昭宣帝天祐四年

天姿微哲經遇齊魯之際揖讓洙泗之間綜理遺文宏宣舊制四
科之教歷代不刊三千之徒風流無歇惟茲二聖道著生民宗祀
不修孰明褒尙朕君臨區宇興化崇儒永言先達情深紹嗣宜令
有司於國子學立周公孔子廟各一所四時致祭仍博求其後具
以名聞詳考所宜當加爵土舊書本紀
冊府元龜

不貢舉

三年庚辰

不貢舉

四年辛巳

正月於門下省置修文館

唐會要 西內之門下省

按此爲

四月十一日一作敕諸州學生及白丁有明經及秀才俊士進士

一日

明於理體爲鄉曲所稱者委本縣考試州長重覆取上等人每年

十月隨物入貢

摭言 按隋書煬帝置進士科通鑑武德元年有明經劉蘭成胡三省注曰劉蘭成蓋嘗應明經科

因稱之其時唐未貢舉是隋亦有明經矣故新選舉志云唐取士之科多因隋舊也志又云每歲仲冬州縣館監舉其成者送之尚

皆省與摭言

言十月者異

五月乙丑以竇建德平赦山東詔曰奇才異行隨狀薦舉

冊府元

大詔

令集

七月丁卯以王世充平大赦天下詔曰奇才異行隨狀薦舉

冊府元

唐大

詔令集

不貢舉

是年下詔而舉人至明年始集故曰不貢舉永樂大典載衡水縣圖經志云蓋文達字藝成冀州衡水縣人武德四年以經明行修徵爲國子博士按冀

州爲寶建德地此或因赦詔而舉之

五年

壬午

三月詔曰擇善任能救民之要術推賢進士奉上之良規自古哲王宏風闡教設官分職惟才是與然而巖穴幽居草萊僻陋被褐懷珠無因自達實資選眾之舉固藉左右之容義在搜揚理宜精擢一作確是以貢士有適爰致加錫之隆無益於時必貽貶黜之咎末葉澆僞名實相乖取非其人濫居班秩流品所以未穆庶職於

是嘵廢朕膺圖御宇甯濟兆民思得賢能用清治本招選之道宜革前弊懲勸之方式加恆典苟有才藝所費適時潔已登朝無嫌自進宜令京官五品以上及諸州總管刺史各舉一人其有志行

可錄才用未申亦聽自舉具陳藝能當加顯擢授以不次賞罰之

科並依別格所司頒下詳加搜引務在獎納稱朕意焉

冊府元龜
唐大詔

令集 按此爲制舉之始

十月諸州共貢明經一百四十三人秀才六人俊士三十九人進士三十人

據言

十一月引見敕付尚書省考試

據言

十二月吏部奏付考功員外郎申世南考試秀才一人俊士十四

人所試並通敕放選與理人官其下第人各賜絹五疋充歸糧各

勤修業

摭言

秀才一人

進士四人

摭言作進士十四人登科記作進士四人按玉海引趙修登科記序曰武德五年詔有司特以進士爲選士之

日是此年有進士

摭言作俊士

孫伏伽

王芝之堂談著載唐宋以來狀元姓名始於唐高祖武德元年孫伏伽是孫伏伽爲唐第一科狀元惟唐貢舉始於

武德五年言元年者誤

又按舊書伏伽於武德元年上書已授治書侍御史五年免官尋起爲刑部郎中豈免

官時應舉耶其時草昧初開未可以常格論之

李義琛

李義

琰

李上德

摭言武德五年李義琛與弟義琰從弟上德三人同舉進士義琛等隴西人世居鄴城國初草創未定家

素貧乏與上德同居事從姑定省如親焉隨計至潼關遇大雪逆旅不容有咸陽商人見而憐之延與同寢處居數日雪霽而去琛等議鬻驢以一醉酬之商人竊知不解而去復先贈以稻糧琛後宰咸陽召商人與之抗禮義琛位至刑部侍郎雍州長史義琰相高宗皇帝上德司門郎中舊書李義琰傳義琰魏州樂昌人父元德義琰少舉進士新書云義琰從祖弟義琛擢進士第按義琰之父名元德則上德似非義琰從弟

知貢舉

申世甯

見上按通典云武德舊制以考功郎中監試貢舉此以貢外郎者定制之初不必盡也

六年癸未

進士四人

七年甲申

二月己酉詔曰六經茂典百王仰則四學崇教千載垂範是以西

膠東序春誦夏絃說禮敦詩本仁祖義建邦立極咸必繇之自叔
世澆訛雅道渝缺縣厯歲紀儒風莫扇隋季以來喪亂滋甚曉言
篇籍皆爲煨燼周孔之教闕而不知庠塾之儀泯焉將墜非所以
闡揚微烈敦尙風範訓民調俗垂裕後昆庶受命膺期握圖御宇
思宏治道冀宣德化永言墳索深存講習所以據摭遺逸招集散
亡諸生胄子特加獎勸而凋弊之餘湮替日久學徒尙少經術未
墜子衿之歎無忘興寢方今函夏既清干戈漸戢搢紳之業此則
可興宜下四方諸州有明一經已上未被升擢者本屬舉送具以
名聞有司試策加階敘用其吏民子弟有識性開敏志希學藝亦

具名狀申送入京量其差品並卽配學明設考課各使勵精琢玉成器庶其非遠州縣及鄉里各令置學官僚牧宰或不存意普更頒下早遣修立夫安上治民莫善於禮出忠入孝自家刑國揖讓俯仰登躋折旋皆有節文咸資端肅罔習末業隨時廢紀凡厥生民各宜勉勵

冊府元龜

唐大詔令集

通鑑按

是時秀才進士明經皆試策而已

丁巳

按會要爲十七日

上幸國子監

按監當作學

釋奠詔諸王公子弟各就學

以周公爲先聖孔子配

通鑑書禮志

新

五月裴寂等奏上選定律令頒行天下

舊書刑法志

七月詔曰自隋以來離亂永久雅道淪缺儒風莫扇朕膺期御宇

靜難齊民欽若典謨以資政術思宏德教光振遐軌是以廣設庠序益召學徒旁求俊異務從獎擢甯州羅川縣前兵曹史孝謙守約邱園伏膺道素爰有一子年並幼童講習孝經咸暢厥旨義方之訓實堪勵俗故從優秩賞以不次宜普頒示咸使知聞如此之徒並卽申上朕加親覽時將衰異冊府元龜按新書選舉志凡孝經論語誦文十通者子官通七經童子科十歲以下能通一經及子出身按此卽童子科所由昉也

秀才二人

進士六人

八年乙酉

秀才一人

進士五人

九年丙戌

三月改修文館爲宏文館

唐會要

按在西內門下省東

八月癸亥制傳位於太子甲子太宗卽皇帝位大赦天下詔曰高
年碩學直言正諫所在長官隨狀薦舉

冊府元龜

唐大詔令集通鑑

九月上於宏文殿聚四部書二十餘萬卷置宏文館於殿側取三
品已上子孫充宏文館學士

通鑑

按宏文殿在凝陰殿北爲西內之正北此自門下省移於此也

士當作學生

十二月二十九日詔曰宣尼以大聖之德天縱多能王道藉以裁

成人倫資其教義故孟軻稱生人以來一人而已自漢氏馭歷魏

室分區爰及晉朝暨於隋代咸相崇尚用存乎祀朕欽若前王憲

章故實親師宗聖是所庶幾存亾繼絕抑爲通典可立孔子後爲

襄聖侯以隋故紹聖侯孔嗣憇嫡子德倫爲嗣主者施行

贈秦師
孔宣公

碑陰按冊府元龜以德倫封襄聖
侯爲貞觀十年事誤當以碑爲正

秀才二人

進士七人

知貢舉

按太宗於武德四年開文學館有記室考功郎中房元齡
通鑑於九年六月有行臺考功郎中房元齡蓋爲秦府之

官非知
舉也

唐太宗文武大聖大廣孝皇帝

貞觀元年丁亥

正月乙酉改元舊書

上命吏部尚書長孫無忌等與學士法官更議定律令

通鑑舊書刑法志

命長孫無忌房元齡與

學士法官更加釐改

五月改國子學爲國子監

唐會要舊書職官志以此爲二年事

敕現在京官文武職事五品以上子

按子下疑有脫字

有性愛學書及有

書性者聽於宏文館內學書其書法內出其年有二十四人入館

敕虞世南歐陽詢教示楷法

唐會要

黃門侍郎王珪奏宏文學士學書之暇請置博士兼肄業焉敕太
學助教侯孝遵撰其經典著作郎許敬宗授以史漢

唐會要

策進士問獄市之寄自昔爲難寬猛之宜當令不易緩則物情怠
其詐急則奸人無所容曹相國所以殷勤路廷尉於焉太息韋弦
折衷歷代未聞輕重淺深仁承嘉議 問棘津登輔不因階於尺
木莘郊作相豈憑資於累遷蓋道有攸存時無可廢爰暨澆訛必
循班序先容乃器因地拔萃共相沿襲遂成標準今聖上務切懸
旌心搖啟繇雖衣冠華允已喬遷於周列而衡泌幽人罕遙集於

魏鼎豈英靈不孕於山澤將物理自係於古今無蔽爾辭切陳其

致英華

秀才二人

進士四人

敬播

舊書儒學傳敬播蒲州河東人貞觀初舉進士凡新舊書言某某初者皆係於元年下後倣

上官儀

舊書本傳

江都儀游情釋奠尤精三論兼涉獵經史善屬文貞

觀初楊恭仁爲都督深禮待之舉進士

按楊恭仁於武德九年七月爲雍州牧行揚州大都督府長史二年不貢舉則儀當於元年及

第

張越石

張楚金

舊書忠義傳

張楚金少有志行事親以孝聞初與兄越石同預鄉貢進士州司

將能越石而薦楚金辭曰以順則越石長以才則楚金不如固請俱退時李勣爲都督歎曰貢士本求才行相推如此何嫌雙舉也乃俱薦擢第按舊書李勣傳太宗卽位拜并州都督太平廣記引廣人物志亦云貞觀元年勣爲并州都督楚金并州人

應制及第 謝偃

舊書文苑傳謝偃衛縣人本姓直勒氏祖李政北齊散騎常侍改姓謝氏偃貞觀初應詔對策

及第

知貢舉

按通典貞觀以後貢舉考功員外郎專掌之

盧承慶

舊書本傳貞觀初爲秦州都督府戶曹參軍因

奏河西軍事太宗奇其明辨擢拜考功員外郎

上官儀對策曰讓袂九流披懷萬古覽玉籙之奧義覲金簡之遺文覩皇王臨御之迹詳政術樞機之旨莫不則乾剛而張禮樂法霆震而置威刑縱使軒去鼎湖非無涿鹿之戮舜辭雷澤遂有崇山之誅自皋陶不嗣忿生長往甫俟設法徒有說於輕重子產鑄書竟無救於衰敗是知風淳俗厚草丈而可懲主僻時昏黜鑿而

猶犯我君出震繼天承圖化宰孕十堯而遐舉吞九舜而上征猶以爲周書三典既疏遠而難從漢律九章已偏雜而無準方當採韋弦於往古施折衷於當今若能詔彼刑章定金科之取捨徵其張趙平丹書之去留必使楚國受金不爲莊生所責長陵盜土必用張子之言謹對鳳德方亨必資英輔龍光未聘實俟明君既藏器以須時亦虛襟而待物莫不理符靈應道叶冥通類霜降而鍾鳴同雲蒸而礎潤秘策赴之如投水神心應之若轉規用能感會一時抑揚千古是以沈鱗暫躍遂游泳於天漢墜羽纔遷乃騰驤於日陸宏心體之妙旨播丹水之嘉謀義列丹青德融金璧迨

乎時鍾季叔化漸澆訛拔萃之惠罕流因地之階愈篤使西都君子奕葉相榮東國袁生入公爲貴廷尉之明窮識理十載無知黃門之妙極摛文八遷甯進徒使干星秀氣永翳窮塵照麻奇光長涇幽石自可循風市馬襲軌畫龍三反不虧七年無廢斐斐束帛指邱園而畢陳翹翹車乘望林泉而載輶則材標海若霧集丹墀德表星精雲飛紫闕豈直高尙之士遙集於台司衡泌之儔喬遷於鼎職謹對文苑英華

二年
戊子

十二月尙書左僕射房元齡國子博士朱子奢建議云武德中詔

釋奠於太學以周公爲先聖孔子配享臣以周公尼父俱稱聖人
庠序置奠本緣夫子故晉宋梁陳及隋大業故事皆以孔子爲先
聖顏回爲先師厯代所行古今通允伏請停祭周公升夫子爲先
聖以顏回配享詔從之

唐會要

二十一日置書學隸國子學

唐會要

按職官志武德初廢書學此年復置國子學當作國子監

移宏文館於納義門西

按納義門在西內嘉德門之西廊此自宏文殿側移宏文館於此

王珪奏

請爲學生置講經博士考試經業准式貢舉兼學書法

唐會要舊書儒學

傳序曰貞觀二年大徵天下儒士以爲學官數幸國學令祭酒博士講論畢賜以束帛學士能通一大經已上咸得署吏又於國學增築學舍一千二百間國學四門博士亦增置生員其書算合符博士學生以備藝文凡三千二百六十員其元武門屯禁飛騎亦

給博士授以經業有能通經者聽之貢舉

米貴不貢舉

三年己丑

四月詔曰百行之本要道惟先一言終身恕而已矣春生夏長寬裕之令行焉齊禮道德恥格之義斯具朕爰自幼年夙懷庭訓豈徒學聞詩禮因令匡定家國是以提三尺之劍起一旅之師戮鯨鯢於原野救蒸人於塗炭雲雷締搆備嘗夷險仁發於心義形於色大敵必勇非爲身謀大怒必誅志安天下太上皇留情姑射尙想軒轅駐蹕大安使朕正居紫極顧惟虛薄解不獲免祇奉制誥

負扆當朝乃眷宮宇載懷冰谷未明求衣乙夜忘寐靜思七政言
念九功何以答上元之心稱嚴君之志欲勤恤典刑舉直錯枉允
釐人瘼任賢用能拯濟困窮抑損澆僞開直言之路廣不諱之門
聞所未聞日慎一日望人皆見德變於至道若一物失所一人有
怨則朕躬之責訓道不明也朕聞書曰至誠動神況於百辟乎況
於兆庶乎比聞遠近黔黎恥爲盜賊州縣囹圄多並空虛豈繇德
教至此自是人知厭亂因其遷善可以化之朕往因征伐行天下
多矣每見村落邱墟未嘗不撫膺歎息自登九五不許橫役一人
惟翼遐邇休息得相存養長幼有序敬讓興行其孝義之家賜粟

五石高年八十以上粟二石九十以上三石百歲加絅二疋婦女
正月以來生男粟一石鰥寡憚獨不能自存逃戶初還郊無糧貯
州縣長官量加賑恤諸州官吏或正直廉平刑清訟息或貪婪貨
賄害政損人宜令都督刺史以名封進白屋之內閭閻之人但有
文武材能灼然可取或言行忠謹堪理時務或在昏亂而肆情遇
太平而克己亦錄名狀與官人同申泣辜慎罰前王所重枉繫一
日事等三秋州縣法司特宜存意普告天下知朕意焉

冊府元馳
唐大詔

卽制舉科目之始

按此詔所言

秀才一人

進士五人

四年庚寅

詔州縣皆作孔子廟

新書禮志

詔前中書侍郎顏師古於秘書省考定五經

貞觀政要

秀才一人

進士九人

五年辛卯

秀才一人

進士十五人

明經科

錢元脩

羅隱揚威將軍錢公列傳公諱元脩字文通貞觀五年策試通經補長興縣博士

六年

壬辰

二月戊子初置律學

舊書本紀

按職官志隋以律學隸大

理寺武德初隸國子監尋廢至此復置

秀才一人

進士十二人

應制及第

崔信明

舊書文苑傳信明青州益都人祖滔
信明貞觀六年應詔舉授興世丞

七年

癸巳

十一月丁丑頒新定五經

舊書本紀

舊書顏師古傳云太宗以
經籍去聖久遠文字訛謬令師古於秘

書省考定五經師古多所釐正既成奏之太宗復遣諸儒重加詳
議於時諸儒傳習已久皆共非之師古輒引晉宋已來古今本隨

言曉答援據詳明皆出其意表諸儒莫不歎服於是頒其所定之書於天下令學者習焉蓋四年詔師古考定五經至是頒行今五經正義中每引定本卽其時所頒之本也

秀才二人

進士十三人

應制及第

鄭敞

薛稷故洛州洛陽令鄭府君碑公諱敞字仲高
崇陽開封人貞觀七年制策高第授越州都督

府參軍按敞卽仁基之子

八年

甲午

正月壬寅命尚書右僕射李靖特進蕭瑀楊恭仁禮部尚書王珪
御史大夫韋挺鄜州大都督府長史皇甫無逸揚州大都督府長

史李襲譽幽州大都督府長史張亮涼州大都督李大亮右領軍
大將軍寶誕太子左庶子杜正倫綿州刺史劉德威黃門侍郎趙
宏智使於四方觀省風俗詔曰昔者明王之御天下也內列公卿
允釐庶績外建侯伯司牧黎元唯其淳化未敷名教或替故有巡
狩之典黜陟幽明存省方俗遐邇遂性情僞無遺時雍之宜率由
茲道朕祇膺寶命臨御帝圖稟過庭之義方荷上元之嘉祉四荒
八表無思不服而夙興夕惕勤躬約己日慎一日雖休勿休欲萬
國歡心兆民有賴推誠待物近取諸身實謂羣官受拜咸能自勵
乃聞連帥刺舉或乖共治之寄縣司主吏尙多贖貨之罪有一於

此責在朕躬是用中夜憮然戾景輶食宜遣大使分行四方申諭
朕心延問疾苦觀風俗之得失察政刑之苛弊者年舊齒孝弟力
田義夫節婦之家疾廢憚嫠之室須有旌賢賑贍聽以倉庫物賜
之若有宏材異等留滯末班哲人奇士隱淪屠鈞宜精加搜訪進
以殊禮務盡使乎之旨俾若朕親覲焉

舊書本紀

唐大詔令集

三月三日詔加進士試讀經史一部

冊府元龜

唐會要

按進

加讀經史仍試士初惟試時務策五道至是

以策非帖經也

秀才一人

進士九人

李義府

舊書本傳瀛洲饒陽人其祖爲梓州射洪縣
丞因家於承泰貞觀八年刺史道巡察大使

李大亮以義府善屬文表薦之對策擢第冊府元龜李義府舉進士劉洎馬周薦之太宗令詠烏拔筆爲詩曰何惜鄧林樹不借一枝柄太宗喜曰當盡惜卿全樹

何止一枝也尋除爲監察御史

九年乙未

五月二十日敕自今以後明經兼習周禮若儀禮者於本色內量

減一選

冊府元龜

唐會要

是年移宏文館於門下省南

唐會要按自納義門內西移此其後移仗大明宮亦在門下省南

進士六人

此數年或無考秀才按唐語林云唐朝初明經取通兩經先帖文乃按章疏試墨策十道秀才試方略策三道

進士試時務策五道其後舉人憚於方略之科爲秀才者殆絕而多趨明經進士

十年丙申

進士十一人

十一年

丁酉

正月庚子頒新律令於天下

舊書本紀

四月詔曰朕以寡薄嗣守鴻基實資多士共康庶政虛己側席爲
日已久投竿捨築罕值其人自親巡東夏觀省風俗興言至治夕
惕兢懷然則齊趙魏魯禮義出自江淮吳會英髦斯在山川所咸
古今甯殊載佇風猷實勞夢想宜令河北淮南諸州長官於所部
之內精加訪採其孝弟淳篤兼閑時務儒術該通可爲師範文詞
秀美才堪著述明識治體可委孚民並志行修立爲鄉里一作所
閭

推者舉送雒陽宮各給傳乘優禮發遣當隨其器能擢以不次若有老病不堪入朝者具以名聞庶嚴穴靡遺俊乂可致務盡搜揚之道稱朕意焉

舊書本紀
唐大詔令集

七月庚寅

此據舊書新
書作乙未

以水災詔諸州官民有能明識治道方正

直諫者並宜薦達朕將親見其人問以得失

冊府元龜

丙午

按會要是
二十四日

修宣尼廟於兗州

舊書本紀
按新書禮志云十
一年詔尊孔子爲宣父作廟於

兗州

秀才一人

進士八人

十二年
戊

二月丁丑幸國子學親觀釋奠國子祭酒以下官及學生高第精勤者加級賜帛各有差

冊府元龜

詔國子祭酒孔穎達等撰五經義訓

舊書孔穎達傳
按傳十二年拜國子祭酒與顏師古同

馬才章王恭王琰等諸儒受詔撰定五經義訓凡一百八十卷名曰五經正義太宗下詔曰卿等博綜古今義理該洽考前儒之異說符聖人之幽旨實爲不朽付國子監施行又冊府元龜云穎達爲國子監祭酒與諸儒撰正五經義疏數年乃成蓋於十二年拜祭酒受詔撰義疏十五年乃成而馬嘉運等每掎摭之故十六年有詔更定也通鑑載於十四年非是考正義序穎達列其同撰義疏人姓名易疏爲朝散大夫行太學博士馬嘉運守太學助教趙乾叶書疏爲朝散大夫行太學博士王德韶前四門助教李子共詩疏爲朝散大夫行太學博士王德韶徵事郎守四門博士齊威禮記疏爲中散大夫守國子司業朱子名國子助教李善守太

學博士賈公彥行太常博士柳士宣魏王東閣祭酒范義贊魏王參軍事張權春秋左氏傳疏爲朝請大夫國子博士谷那律故四門博士楊士勛四門博士朱長才又唐會要云穎達撰義疏一百七十卷名曰義贊有詔改爲五經正義又按孔穎達碑云奉敕預撰五經義疏公博極羣書遊口眾藝削前口之純繆舉往哲之口口誠萬古之儀刑實一代之準的蒙敕改名五經正義付國子監施行是穎達所撰初名義疏非義訓義贊也

秀才一人

進士十一人

十三年己亥

秀才二人

進士十七人

十四年

庚子

二月丁丑上幸國子監觀釋奠命祭酒孔穎達講孝經賜祭酒以下至諸生高第帛有差通鑑

秀才一人

進士五人

應制及第

李楚才

楊炯原州百泉縣令李君神道碑君諱楚才
衛州衛縣人貞觀元年授長樂監十四年應

詔四科舉射
策登甲第

十五年

辛丑

四月辛卯詔以來年二月有事泰山

舊書本紀

六月戊申詔曰朕遐觀前載厯選列辟莫不貴此得人崇茲多士
猶股肱之佐元首譬舟楫之濟巨川若夫構大厦者採眾材於山
岳善爲國者求異人於管庫是以陶唐有虞揖讓之聖帝也非元
凱不能成茂功商湯姬發革命之明王也非伊呂無以定禍亂况
乎齊桓中人之才器非濬哲漢武嗣業之主志在驕奢猶賴管仲
隰朋之相平津博陸之輔既爲五霸之主亦稱萬代之宗是知得
士則昌失人則亂朕冕旒夙夜虛心政道雖天地效社宗社降靈
區宇晏如俊乂咸事尙恐山林藪澤蔽荆隋之寶卜築屠鈞韞
張之奇是以躬撫黎庶親觀風俗臨河渭而佇英傑眺箕頽而懷

隱淪亟移日月空勞夢寐而驪龍莫兆商歌寂寥豈混跡駕駘未
逢良樂之顧將毓德岩穴方追禽向之遊望雲長想增其歎息可
令天下諸州搜揚所部士庶之內或識達公方學綜今古廉潔正
直可以經國佐時或孝悌淳篤節義昭顯始終不移可以敦風勵
俗或儒術通明學堪師範或文章秀異才足著述並宜薦舉具以
名聞限來年二月總集泰山庶獨往之夫不遺於版築藏器之士
方升於廊廟務得奇偉稱朕意焉舊書本紀司馬文正公集

舊書本紀司馬文正公集

己酉有星孛於太微太史令薛頤上言未可東封辛亥起居郎褚
遂良亦言之丙辰詔罷封禪通鑑

秀才一人

進士十四人

十六年

壬寅

敕趙宏智與孔穎達覆更詳審五經正義五經正義序 按序言
十六年奉敕與前修疏
人及給事郎守四門博士上騎都尉蘇德融爲易正義十四卷通
直郎行四門博士驍騎尉朱長才給事郎守四門博士上騎都尉
蘇德融登仕郎守太學助教雲騎尉隨德素儒林郎守四門助教
雲騎尉王士雄爲書正義二十卷給事郎守太學助教雲騎尉趙
乾叶登仕郎守四門助教雲騎尉賈普耀爲詩正義四十卷儒林
郎守太學助教雲騎尉周元達儒林郎守四門助教雲騎尉趙君
贊儒林郎守四門助教雲騎尉王士雄爲禮記正義七十卷朝散
大夫行太學博士上騎都尉馬嘉運朝散大夫行太學博士上騎
都尉王德韶給事郎守四門博士上騎都尉蘇德融登仕郎
守太學助教雲騎尉隨德素爲春秋左氏傳正義三十六卷

不貢舉

十七年

癸卯

五月乙丑手詔曰朕觀前烈建國君臨未有不藉忠良而能濟其功業者也朕顯承宗祀獲奉鴻基側席求賢有年載矣而山林莫致珍玩必臻豈朕好惡之情未達於下其令州縣舉孝廉茂才好學異能卓犖之士

冊府元龜

進士十五人

明經科

蕭灌

張說贈吏部尚書蕭公神道碑公諱灌字元茂閩陵人年十八明經高第補代王功曹以永淳元年

卒年五十七推之登第在是年

十八年

甲辰

三月己丑

會要作二
六月

有鄜州

會要作鄜
諸州

所舉孝廉賜坐於御前

帝問曰歷觀往古聖帝明王莫不得一奉天必以黎元爲本隆邦建國亦以政術爲先天以氣變物莫知其象君以術化人不顯其機

氣以隱質爲虛術以潛通爲妙運之無爲施之無極故能清風蕩

萬域長轡控八荒不令而行不言而信欲尊其術未辨其方想望

高才以陳良策孝廉等文之

按文之二字疑有誤

無對又令皇太子問之曰

夫子何以爲曾參說孝經孝廉答曰夫子以弟子之中參稱最孝

所以爲說太子曰禮記云公明儀問曾子曰夫孝子先意承志喻

父母於善參直養而已安能爲孝據此而言參未云孝又問禮云居處不莊非孝也事君不忠非孝也蒞官不敬非孝也朋友不信非孝也戰陣無勇非孝也五者不遂災及於親此五孝施用若爲差等孝廉不能答次令近臣迭問仁孝之名誰所創作明其優劣仁孝何先又問孝廉於四行之內居第幾科又問社主之義殷柏周栗秦漢以來若爲變改又問堯舜聖德應貽厥孫謀何因朱均以後絕滅無後孝廉並不能答帝曰昔楚莊王謀事羣臣莫及一作逮退而有憂色曰諸侯能自得師者王自爲謀而莫已若者亡今以不穀之不肖一作德羣臣言莫吾逮吾國能免於亡乎庶發詔徵

天下俊異纔以淺近問之咸不能答海內賢哲將無其人耶朕甚
憂之令引就中書省射策所答乖旨於是下詔曰朕遐想千載旁
覽九流詳加布政之方莫若薦賢之典是以元凱就列仄微可以
立帝功管隰爲臣中人可以成霸業朕緬懷曩烈虛己英奇斷斷
之士必升於廊廟九九之術不棄於閭閻猶恐在陰弗和獨善難
奪永言髦傑無忘寤寐是以去夏之中爰動翰墨披露丹府疇咨
海內尺木旣樹思覩游霧之羣雲羅宏舉佇降翔庭之翼而諸州
所舉十有一人朕載懷仄席引入內殿借以溫言略訪政道莫能
對數相顧結口朕仍以其未覩關廷能無戰慄一作悚令於內省更

以墨對雖構思彌日終不達問旨理既乖違詞亦庸陋豈可飾丹
漆於朽質假風雲於決起者哉宜令放還各從本色其舉主以舉
非其人罪論仍加一等然則今之天下猶古之天下也甯容仲舒
伯始之流偏鍾美於往代彥和廣基之侶獨絕響於今辰故其見
知也則平準與樂安並進其不用也則敬通與亭伯同悲淮陰所
以興言子長所以貽歎因斯論之良繇俊造難進或固棲遲之節
牧宰循常未盡搜揚之道撫事長息彌增憮然其令州縣依前薦
舉皆集今冬奇偉必收浮華勿採無使巴人之調濫吹於簫韶魏
邦之珍沈光於江漢務盡報國之義以副興賢之懷

冊府元龜
按唐大詔令

集入此詔於十
年誤應從冊府

秀才一人

進士二十四人

冉實

張說河州刺史冉府君神道碑公諱實字茂實弱冠太學生進士擢第以證聖元年

卒年七十一推
之是年二十歲

十九年乙巳

二月庚戌上親征高麗乙卯詔皇太子留定州監國太子令曰仰
惟聖訓奉以周旋虛想異人共康神化式遵義軌分駕翹車企覩
英靈欽聞政道宜頒下州郡妙簡賢良其有理識清通執心貞固
才高位下德重位輕或孝弟力田素行高於州里或鴻筆麗藻美

譽陳於天庭或學術該通博聞千載或政事明允才爲時新如斯
之倫並堪經務而韜光勿用仕進無階委身蓬蓽深爲可歎所在
官僚精加訪採庶使垂綸必察操築無遺一善弓旌咸宜舉送於
是州郡所舉前後至者數百人舊書本紀
冊府元龜

秀才三人

上書拜官一人

二十年丙午

策進士問惟堯則天全穎陽之節惟禹奠川遂滄州之美然則高
潔之士出於盛明廉潔之賓不生澆季自皇唐受命驅駕前古貞

遯不聞風軌莫繼豈端操之範獨秘於往辰將奔競之徒頓騁於茲日緬懷長往有情深衷佇聽諸賢以祛心疚問元默垂拱理

歸上德法令滋彰事鍾澆季是以唐虞畫象四罪而咸服姬夏訓

刑三千而愈擾故知勝殘去殺必在於宏仁反樸還淳不務於多

辟方知削茲三尺專循五禮幸陳用舍之宜以適當時之要

文苑英華

六月詔曰高明之天資星辰以麗象博厚之地藉川嶽而成形況

於帝王體元立極臨馭萬物宇養生靈者乎所以致治之君遠謾

佞近忠良屈己以伸人故能成其化爲亂之主親不肖疏賢臣虐

下以恣情用能成其亂明君遵彼以興國暗主行此以亡身是以

朽壤毀於蓮峯巨蠹傷於翠葉蓮峯墜澗竟無反顧之期翠葉隨風終無歸林之望故知亾者難以復生敗者不可重全所以馭朽臨冰銘心自戒宵興旰食側席思賢庶欲博訪邱園搜採英俊弼我王道臻於太平可令天下諸州明揚側陋所部之內不限吏人其有服道棲仁澄心勵操出片言而標物範備百行以綜人師質高視於琳瑯人不間於曾閔潔志邱園揚名里閭或甄明政術曉達公方稟木鐸於孔門受金科於鄭相奇謀間發明略可以佐時識見清通偉才長於幹國或含章傑出命世挺生麗藻道文馳楚澤而方駕鉤深覩奧振梁苑以先鳴業擅專門詞高載筆或辨彫

春圓談瑩秋天發研機於一言起飛電於三寸蓄斯奔箭未遂揚
庭並宜推擇咸同舉薦以禮將送具狀表聞限以今冬並與考使
同赴庶使焚林之舉咸矯異於嚴廊尺木之階方振鱗於游霧翹
心俊乂稱朕意焉主者施行冊府元龜
唐大詔令集
按詔令集作二
年正月六日從冊府

此詔許敬宗所草

秀才一人

進士三人 張昌齡

舊書文苑傳張昌齡冀州南宮人弱冠以文詞知名本州欲以秀才舉之昌齡以時廢此

科已久固辭乃充進士貢舉及第新書昌齡與王公治齊名皆爲考功員外郎王師旦所納太宗問其故答曰昌齡等華而少實其文浮靡非令器也取之則後生勸慕亂陛下風雅帝然之唐會要貞觀二十年九月考功員外郎王師旦知貢舉時冀州進士

張昌齡王公瑾並有俊才聲振京邑而師旦考其文策全下舉朝
不知所以以及奏等第太宗怪無昌齡等名因召師旦問之對曰此
輩誠有詞華然其體性輕薄文章浮豔必不成令器臣若擢之恐
後生相倣效有變陛下風雅帝以爲名言後並如其言 按舊書
明言昌齡及第文苑英華亦載其文潘昂霄金石例載張昌齡召
見試息兵詔又言昌齡爲崑邱道記室平龜茲露布爲士所稱則
又及第後任幕職之證也會要新書皆非事實今從舊書 王公瑾卽王公治治避諱爲理理訛爲瑾耳 田備見文苑英華

華

原注云

郝連梵

見文苑英華

總目作田恪

華

原注云

郝連梵

見文苑英華

諸科 張鷟張說府君墓誌銘諱鷟字成鷟姓張氏年十九明法擢第以調露元年卒年五十二推之是年十九歲鷟卽燕公之父燕公又爲碑云以明法厯饒陽長子二尉

知貢舉

王師旦

諱賓錄貞觀十九年考功員外郎王師旦知舉蓋知二十年之舉今從會要

張昌齡對策曰則天分命箕山多長往之賓滑畝劬勞滄州有肥

遁之客是以北荒孤行甘草澤而輕周南岳紫芝翫林泉而恥漢
此蓋爲匹夫小節未達汾陽之旨獨行幽姿甯動少微之宿望若
大風在夢非熊入兆下箕尾而稱師委旄頭而作傅自大君有命
遠頓天絃盡巖穴之英奇總濠梁之過軸脫倚裳而襲朱紱解薜
蘿而綰青綬五尺童子羞稱荷蓀三事大夫恥觀瓢飲將使鄭君
谷口擅不言之謠門相府門多清淨之化方知聖人在上真隱不
獲全其高洁風所偃幽貞不能固其節麝卵得性麟鳳所以呈姿
山林不天風雲以之通氣物既稟和而適變士亦感類而相從調
餌自可怡神烹鮮足堪養性猶謂寒泉獨善未臻授受之仁薪標

兼濟有助興王之道謹對兩儀亭育蓄嚴刑於積陰四序平分降明罰於秋序是知觀象設教聖人所以勝殘因物造端懿后由其立辟故媯川受命士師陳九德之歌瑤山載刑呂侯訓百鍛之典然則激揚禡化鼓舞皇階資粉澤而宏風俟德刑而振俗是故六轡在御飛龍之駕可期九或不施奔鯨之害斯兆縱使業優倦領道邁曾巢齊飲啄於鶴居絕來往於犬吠猶未可長懸三禮永墳五刑削茲噬嗑之科專行忠信之薄況今時推纂聖運屬升皇猶勞丹浦之誅尙漏青邱之罪伯夷典禮與猾夏而同科司寇詳刑共春官而聯事自可遠稽九伐近命三驅釋刀鋸於凶魁休甲

兵於原野然後弛威象闕展事天宗繼美媯皇追風火燧石渠未
滅豈得輒議寢刑中獄既封自可專循大禮謹對

文苑英華

田備對策曰聖人出震博訪芻堯大帝登庸詢謀師相是以周稱
尚父呂望擢自磻溪殷曰得賢傅說求諸版築莫不舟梁羽翮鼎
實鹽梅表區寓之明明成朝廷之濟濟自隆周泊乎幽厲朝政在
於諸侯炎漢至於哀平威權任乎卿相貂蟬耀彩雄俊徧五侯之
門劍履生光賓客滿四豪之第吹竽彈劍犬吠雞鳴用才各任所
能取士不求其備弓旌之命非道德之門蒲帛之徵乖有道之室
方今前疑後丞龍翰鳳翼左輔右弼岳氣星精加以徵逸璞於巖

廊索遺珠於窮海邱園之下羔雁成行閭巷之中軒輶相次元纏
之禮既備巢父長謝山林珪璧之間不空衣齋豈食薇蕨謹對文苑英華按今本脫文

據永樂大典引補

郝連梵對策曰法星垂象列九霄而照燭習坎分爻疏六位而輝
煥故有皇王慎罰正俗以經時聖哲詳刑開物而成務莫不克清
雨夏載穆黎元制天討之威嚴宏秋官之典憲舜遊嬌汭乃去四
凶湯出鑣宮驅除三面然則質文異代興廢殊途微禹會昌仁流
於下泣獨夫受戮禍招於剖心自運往道消消離樸散玉風不競
莞柳之刺斯聞后德方衰棘槐之制斯闢望夷招敗酷甚凝脂雨

谷生灾冤多精氣雖復蕭何改創爰始九章溫舒上言仍譏一失
納漏吞舟之罪主苟持寬律加盈閭之繁吏還舞智邈乎遺法允
屬升平大唐執紀先天凝圖王氣化軒庭之上功超步驟之前
掃氛祲於乾樞靜囂塵於地軸紫微君聖時乘光於得一黔首安
生日用陶其吹萬皇帝上元統厯下武嗣徽道叶順風契黃帝之
罔象精通就日符赤運之文明於是職列英奇朝班俊乂載升降
之節既著禮容臨甲乙之科方在政辟道無爲以端拱思有罪而
責躬念向隅之獨嘵乃納隍而軫慮曲詢管庫取薦芻蕘誠宜妙
簡平反旁求庶獄渭橋驚馬必歸張季之言禁圍射兔勿爽高柔

之旨于公陰德委以廷尉之司盛吉深仁授以憲曹之任剖符寄
劉寬之輩蒲鞭之教可追分陝趨邵爽之儔棠陰之聽斯在加以
五詞咸備兩造兼持運靜躁於革弦聽遲速於寬猛猶牙雖觸咎
絲行其惠化蒼鷹輶號郅都息於顚奇自然固犴空虛靡怨黃沙
之罪鉗鉞安用無施臼粲之刑則迹邁成康道逾文景不仁自遠
無得而稱謹對文苑英華

二十一年

丁未

正月丁酉詔以貞觀二十有二載仲春之月式遵故實有事於泰山
仍令天下諸州搜揚仄陋其有學藝優洽文蔚翰林政術甄明

才膺國器者並以申送限以來年二月一日總集泰山庶令作賦

貽金不韞天庭之掞被褐懷玉無溺屠鈞之間務得英奇當加不

次

冊府元龜

唐大詔令集

按此詔許敬宗所草

二月壬申詔曰左邱明卜子夏公羊高穀梁赤伏勝高堂生戴聖

毛萇孔安國劉向鄭眾杜子春馬融盧植鄭康成服子慎何休王

肅王輒嗣杜元凱范甯賈逵等二十有二人代用其書垂於國胄

既行其道理合崇褒自今有事於太學可並配享尼父廟堂

冊府元龜

按自貞觀二年以孔子爲先聖顏子爲先師是年

以左邱明二十二人並爲先師至永徽間後復以周公爲先聖降

孔子爲先師貶顏子與左邱明等爲從祀

至顯慶二年七月長孫无忌奏復舊制

丁丑皇太子於國學釋菜

舊書本紀

冊府元龜二月丁丑詔皇太子之國學釋奠於先師皇太子爲初

獻國子祭酒張後裔爲亞獻光州刺史攝司業趙宏智爲終獻既講宏智開講季經敷宏忠臣孝子之義皇太子歡甚因令宣勞胄于以上言名教之所由學校之所作君臣父子之義風化訓導之端加之以宏獎因之以誠勵凡數百言詞義甚美聽者悚然無不歡悅更相顧曰此誠德音也於是賜學官胄子昂各有差仍擢其高業者右庶子許敬宗上四言詩以美其事

八月壬戌詔以河北大水停封禪其朝集使及選舉人等前令詣

洛陽宮可依常年集限並赴京師

冊府元龜唐大詔令集

進士七人

明經科

陳元敬

陳子昂有周居士陳公墓誌銘公諱元敬二十
二鄉貢明經擢第拜文林郎銘言太歲己亥享
年七十有四己亥爲嗣聖十六年逆數之擢第當在此年按元敬卽子昂之父

知貢舉 王師旦

二十二年

戊申

進士九人

知貢舉 王師旦

二十三年

己酉

五月己巳太宗崩

舊書本紀

六月甲戌朔高宗卽位

通鑑

九月詔曰殷宗邁德化致升平周王顯仁政稱刑措太宗文皇帝
神明配德靈武兼資掃櫬槍而王區夏混陰陽而作天地以此大

業留屬微躬雖復琯變星霜而心嬰荼毒州郡之長能修厥職禮
義興行姦回自屏刑憲不苛孤憚是賴有司詢訪宜以名聞有一

於此當超不次其有經明行修談講精熟具此師嚴才堪教胄者
志節高妙識用清通博聞彊正終堪卿輔者遊情文藻下筆成章
援心處事端平可紀者疾惡揚善依忠履義執持典憲終始不移
者京師長官上都督府及上州各舉二人中下州刺史各舉一人
前代忠鯁身死王門子孫才堪任官而留滯停移者既想遺風尤

宜旌舉

冊府元龜

秀才一人

通典云初秀才科等最高貞觀中有
舉而不第者坐其州長由是廢絕

進士八人

婁師德

舊唐書本傳鄭州原武人弱冠進士擢第以聖曆二年年七十推之是年二十歲

知貢舉

王師旦

師旦知舉譚賓錄之言十九年卽唐會要之二十年也通典冊府元龜又載於二十三年蓋此

數年皆師旦知舉惟太宗於是年五月崩通典冊府元龜載九月太宗問張昌齡下第之事張昌齡下第事誤辨已見前言九月亦

誤按晝漫錄言唐太宗一朝五放榜

每榜一名其說甚謬不知何所據也

南菁書院叢書